



Monsieur Claude Wiseler  
Präsident vun der Chamber

Lëtzebuerg, den 14. August 2025

Här Präsident,

Esou ewéi den Artikel 80 vum Chambersreglement et virgesäit, bieden ech Iech, dës parlamentaresch Fro un den Aarbechtsminister weiderzeleeden.

Enn Juli 2025 huet d'Regierung e Communiqué eraus gi mam Titel „Le gouvernement luxembourgeois dépose une offre auprès du curateur de la faillite pour le site de Liberty Steel Dudelange“. Well et keng Aussicht méi gouf, fir e Repreneur aus der Stolindustrie fir de Site ze fannen, huet d'Regierung entscheet, dass d'Terrainen zu Diddeleng solle reamenagéiert ginn. Dat ugekënnegt Zil vun der Regierung ass et, zukünfteg neien industriellen Aktivitéiten e Standuert bidden ze kënnen, an eventuell och Surface fir Defense-Projeten ze schafen.

Fir sécherzestellen, dass d'Ewechfale vu *Liberty Steel* fir déi vill fréier Mataarbechter net zu enger Existenzbedroung gëtt, hunn d'Gewerkschaften sech am leschte Joer ganz staark abruecht. Esou gouf et eng Rei Echange mat der d'Regierung an den OGBL, den LCGB, d'Adem an d'Fedil hunn den 20. Juni 2025 och e speziellen Jobday fir déi concernéiert an der Handelskummer organiséiert. Och fir déi méi eeler Mataarbechter, deenen et méi schwéier fält eng nei Aarbecht ze fannen, haten d'Gewerkschafte Pisten ausgeschafft. An an der rezenter Ausgab vum OGBL-Magazin *Aktuell* konnte een dozou z. B. liesen :

„Die Gewerkschaften haben ihrerseits dafür gesorgt, dass die verschiedenen Vorruhestandsregelungen, die ein wirksames Instrument darstellen, von den in Frage kommenden Personen in Anspruch genommen werden können.“

Elo soll et awer esou sinn, dass d'Gewerkschaften de fréiere Mataarbechter vu *Liberty Steel*, déi dem Gesetz no eligibel fir eng Preretraite kéinte sinn, rezent hätte misste matdeelen, dass d'Regierung – entgéint deem, wat ursprénglech uitgemaach gi war – awer keng Preretraite accordéiere wéilt.

An dësem Kontext wéilt ech der Regierung folgend Froe stellen:

- Wéi vill Persounen, déi bei *Liberty Steel* geschafft hunn, wiere jeeweils eligibel fir eng vun den existéierende Preretraiten?

- Ass et richtig, dass den Aarbechtsminister keng Konventioun fir eng Preretraite-ajustement fir d'Mataarbechter vu *Liberty Steel* maache wëll?

Falls jo, aus wéi enge Grënn?

- Falls et an dësem Dossier ëm eng aner Aart vu Preretraite geet: Ëm wéi een Dispositiv handelt et sech an op wéi eng legal Basis stëtzt de Minister seng Entscheidung, fir dës Preretraité fir déi fréier Mataarbechter vu *Liberty Steel* net ze accordéieren?

- Ass et richtig, dass et an de leschte Méint Echange mat de Gewerkschaften zum Fall vu *Liberty Steel* gouf, wou d'Preretraite als Outil fir d'Vermeide vu Chômage zeréckbehale gouf?

Falls jo, firwat huet den Aarbechtsminister seng Meenung geännert?

Mat déiwem Respekt,



Georges Engel  
Deputéierten



Mars Di Bartolomeo  
Deputéierten